

六
典
通
考

六典通考卷十一

湖西閻鎮珩輯

設官考

歷代復逆之官

聖附

宋制門下省受天下成事審命令駁正違失受發通進奏狀

進請寶印

周廣順中始造二寶其一曰皇帝承天受命之寶

一曰皇帝神寶太祖受神傳此二寶又製大宋受

之寶至太宗又別製承天受命之寶是後諸帝

凡中書省

服皆自爲一寶以皇帝恭膺天命之寶爲文

黃錄黃樞密院錄白畫旨則畱爲底及尙書省六部所上

有法式事皆奏覆審駁之給事中讀侍郎省侍中審進入被

旨畫聞則授之尙書省樞密院卽有舛誤應舉駁者大則論

列小則改正凡文書自內降者著之籍章奏至則受而通進

俟頒降分送所隸官司凡吏部擬六品以下職事官則給事中校其任歷功狀侍郎侍中引驗審察非其人則論奏凡遷改爵秩加敘勳封四選擬注奏鈔之事有舛誤退送尙書省覆刑部大理寺所斷獄審其輕重枉直不當罪則以法駁正之元豐官制行釐中書爲三省門下九分房曰吏曰戶曰禮曰兵曰刑曰工皆視其房之名而主行尙書省六曹二十四司所上之事曰開折房曰章奏房曰制敕庫房亦視其名而受遣文書表狀與供閱敕令格式擬官爵封勳之類惟班簿本省襍務則歸吏房給事中四人分治六房掌讀中外出納及判後省之事若政令失當除授非人則論奏而駁正之凡章奏日錄日以進考其稽違而糾治之故事詔旨皆付銀臺

司封駁

淳化九年詔停給事中始以封駁司隸銀臺

元豐官制行給事中始正其

職而封駁司歸門下

六年詔駁正事赴執政稟議七年有紹旨舉駁事依中書舍人封還詞頭例紹

聖四年葉祖洽言兩省置給舍使之互察今中書舍人兼權

封駁則給事中之職遂廢詔特旨書讀不迴避餘互書判

元符

三年翰林學士曾肇言門下之職所以駁正中書違失近日給事封駁中書錄黃乃令舍人書讀行下墜壞官制有損治體願正紀綱爲後法重和元年給事中張叔夜言凡命令之出中書宣奉門下審讀然後付尚書頒行而樞密被旨者亦錄付門下此神宗官制也今急速文字不經三省而諸房以空黃先次書讀則審讀殆成虛設矣乞立法禁從之

分案五曰上案主賓禮及朝會所行事曰下案主受發文書

曰封駁及試吏校其功過

按宋會要治平三年知封駁事韓維言呂誨等降黜敕命不出門下

封駁司直送本家乞追還以正官法曰諫官案主開報文書曰

記注案主錄起居注其襍務則所分案掌焉

紹興二年韓世忠賞功文字給

事中賈宅除工部侍郎門下後省關官乃通進司隸給事中詔檢正李與樞審讀此事亦前所未有

掌受三省樞密院六曹寺監百司奏牘文武近臣表疏及章

奏房所領天下章奏案牘具事目進呈而頒布於中外進奏

院隸給事中掌受詔敕及三省樞密院宣劄六曹寺監百司

符牒頒於諸路凡章奏至則具事目上門下省若案牘及申

稟文書則分納諸官司凡奏牘違戾法式者貼說以進

熙寧四年

詔應朝廷擢用材能賞功罰罪事可懲勸者中書舊制通進

檢正樞密院檢詳官月以事狀錄付院牒報天下銀臺司知司官二人兩制以上充通進司掌受銀臺司所領

天下章奏案牘及閤門在京百司奏牘文武近臣表疏以進

御然後頒布於外銀臺司掌受天下奏狀案牘鈔錄其目進

御發付句檢糾其違失而督其淹緩發敕司掌受中書樞密

院宣敕著籍以頒下之登聞檢院隸諫議大夫登聞鼓院隸
司諫正言掌受文武官及士民章奏表疏凡言朝政得失公
私利害軍期機密陳乞恩賞理雪冤濫及奇方異術改換文
資改正過名無例通進者先經鼓院進狀或爲所抑則詣檢
院並置局於闕門之前按登聞鼓院與隋調者臺唐之匭使
大寢門外以路相近原出於周官大僕建路鼓於
待達窮者中興後檢鼓糧審官官告進奏謂之六院例以

京官知縣有政績者充中書省掌進擬庶務宣奉命令行臺
諫章疏羣臣奏請興創改革及中外無法式事應取旨事凡
命令之禮有七日冊書立后妃封親王皇子大長公主拜三
師三公三省長官則用之曰制書處分軍國大事頒赦宥德
音命尚書左右僕射開府儀同三司節度使凡告廷除授則

用之曰誥命應文武官遷改職秩內外命婦除授及封敘贈典應合命詞則用之曰詔書賜待制大卿監中大夫觀察使以上則用之曰敕書賜少卿監中散大夫防禦使以下則用之曰御札布告登封郊祀宗祀及大號令則用之曰敕榜賜醕及戒厲百官曉諭軍民則用之皆承制畫旨以授門下省令宣之侍郎奉之舍人行之畱其所得旨爲底大事奏稟得旨者爲畫黃小事擬進得旨者爲錄黃凡因革損益非法式所裁者論定上之諸司傳宣特旨承報審覆然後行下分房八曰吏曰戶曰兵禮曰刑曰工曰主事曰班簿曰制敕庫房

元祐後析兵禮爲二增催驅點檢分房十有一後又改主事房爲開折

凡吏房掌行除授考察

升黜賞罰廢置薦舉假故一時差官文書戶房掌行廢置升

降郡縣調發避防軍須給貨錢物禮房掌行郊祀陵廟典禮
后妃皇子公主大臣封冊科舉考官外夷書詔兵房掌行除
授諸蕃國王爵官封刑房掌行赦宥及貶降敘復工房掌行
營造計度及河防修閉凡尙書省所上奏請給諫所陳章疏
內外臣僚官司申請無法式應取旨者六房各視其名而行
之主事房掌行受發文書班簿房掌百官名籍具員制敕庫
房掌編錄供檢敕令格式及架閣庫催驅房督趣稽違點檢
房省察差失

宋中書省在左掖門外西面北廊

元祐三年詔應除授從中批

付中書省者並三省行紹聖五年詔臣僚上殿劄子中書省
進呈取旨其承受傳宣內降非有司所可行者申中書省或
樞密院奏審

續通考度宗咸淳九年置樞密院於中書省

令掌佐

天子議大政授所行命令而宣之臨軒冊命則讀冊建儲則升殿宣制持冊及璽綬以授太子大朝會則詣御座前奏方鎮表及祥瑞國朝未嘗真拜以他官兼領者不與政事

容齋隨筆

紹興五年宣麻制除嗣秀王伯圭中書令侍中中書令爲兩省長官自唐以來居眞宰相之位而中令在侍中上肅宗以後始以處大將故郭子儀僕固懷恩等皆爲之然不與國事懿僖昭之時眞浸多率由平章事遷兼侍中繼兼中書令又遷守中書令三者均稱使相皆大敕繫銜而下書使字五代尤多國朝初尙仍舊吳越王錢俶等十五人同時兼中書令太宗朝唯除石守信而趙普以故相拜眞宗但以處親王嘉祐末除宗室東平王允弼襄陽王允良元豐中除曹份官制行改三使相並爲開府儀同三司元祐後不復有之

侍郎掌貳令之職參議大政授所

宣詔旨而奉之凡大朝會則押表及祥瑞案臨軒冊命則押

冊引案以所奏文及冊書授令四夷來朝則奏其表疏以贊

幣付有司

官制行以尙書右僕射兼右別置侍郎以代參知政事建炎初復改侍郎爲參政

舍人四

人舊六人掌行命令爲制詞分治六房隨房當制事有失當及除授非其人則論奏封還詞頭國初爲所遷官實不任職復置知制誥及直舍人院主行詞命與學士對掌內外制凡有除拜中書吏赴院納詞頭其大除拜亦有宰相召舍人面受詞頭者若大誥命中書并敕進入從中而下餘則發敕官受而出之及修官制以實正名而判後省之事分案五曰上案掌冊禮及朝會所行事曰下案掌受付文書曰制誥案掌書錄制詞及試吏校其功過曰諫官案掌受諸司關報文書曰記注案掌錄記注其襍務則隨所分案掌之元祐元年詔舍人各簽諸房文字其命詞則輪日分草九月詔時暫闕官依門下尚書省例送本省官兼權紹聖四年蹇序辰請自今

命詞以元行遣文書同檢送兩制舍人從之

葉夢得曰國初循唐舊制凡命

官遷除磨勘移易差遣中書皆命詞給告不勝其繁元豐官制行始命階官職事官選人入品者給告無品官者但給黃牒元祐末猶以爲多復命內外差遣及職事官本等內改易或再任者亦止給黃牒紹聖中朱服爲舍人以爲監司郡守初除不給告禮太薄乃詔待制以上知州及帥臣監司初除再任並出告尚書侍郎兩省御史臺官外餘官并監司本等內改易者仍給黃牒後復行之不建炎後同他官兼攝者則同元符初中書省復檢舉如前令

稱權舍人資淺者爲直舍人

院文獻通考故事入西閣皆中書召試制詔三篇唯梁周翰

不召試而授其後楊億陳堯佐歐陽修亦如此例富弼爲知制誥繳還劉從愿妻封隨國夫人詞頭唐制唯給事中得封還詔書中書舍人微詞自弼始元豐五年詔中書舍人印爲中書後省之印留鞏陸佃並試中書舍人自是始正官名遂以中書舍人判後省之事元祐初以蘇軾直舍人院有司言自官制行舍人院廢今爲中書後省乃改爲權中書舍人遂爲故事嘉泰四年李季章壁以宗正少卿權中書舍人而中字犯祖諱季章辭有旨權以直舍人院繫銜乃受命不知舍人院廢已久矣蓋大臣失於討論也

春明退朝錄父子掌誥宋初至熙甯元年凡九家李文正王文正王安簡鼂文元

錢希白梁莊肅呂中
裕朱敏求蘇儀甫

檢正官五房各一人掌糾正省務熙甯

三年置以京朝官充選人卽爲習學公事官制行罷之建炎

三年中書門下省言軍興以來天下多事中書別無屬官元

豐以前有檢正官後因置左右司遂不差致朝廷及應報四

方行移稽留無檢舉催促今欲差官兩員充中書門下省檢

正諸房公事

內一員檢正吏禮兵房
一員檢正戶刑工房

從之

指揮中書門
下省併爲一

尙書

省掌施行制命受付六曹文書聽內外辭訴御史失職考校

百官庶府之治否以詔廢置賞罰凡天下之務六曹所不能

與奪者總決之應取裁者隨所隸送中書省樞密院事有成

法則六曹準式具鈔令僕射丞檢察簽書送門下省畫聞審

察吏部注擬文武官及封爵承襲賜勳定賞之事朝廷有疑

事則集百官議其可否凡更改申明敕令格式則議定奏覆
大常考功諡議亦如之季終具賞罰勸懲事付進奏院頒行
設官九尚書令左右僕射左右丞左右司郎中員外郎各一
人度宗咸淳八年起居舍人高斯得奏六曹尚書選用宜在
軍領自書事其下有左右丞六曹尚書蓋以萬機之繁故眾
建官既以綜理之章宗時韋彪上疏天下樞要在尚書今超
陞此位者徒曉習文法察察小慧而無大能夫樞要之地必
忠厚純實知國家大體者然後可以綜理萬務補偏救弊爲
國家輯安靜和平之福消苛澆刻覈之風也今之彌綸省局
者固亦得人然韋彪所言或尚有之又徘徊觀望不敢割決
使樞要之地壅塞不通此今日之大患也分房十曰吏戶禮兵刑工各視其名而
行六曹諸司所上之事曰開折房主受遣文書曰都知樞房
主行進制敕目班簿具員考察都事以下功過遷補曰催廳
房主考督文牘稽違曰制敕庫房主編檢敕令格式簡納架

閣文書元豐四年詔尚書都省及六曹各輪郎官一員宿直

紹聖元年詔在京官司所受傳宣內降隨事申尚書省或樞

密院覆奏

五代時尚書都省在興國坊本梁太祖舊第宋太平興國中徙於利仁坊孟昶舊第頗宏麗中設都

堂左右司左右丞郎中員外郎應事六

分設尚書侍郎應事二郎中員外郎應事六令掌佐天子議

大政奉所出命令而行之其屬六曹凡庶務皆會決之紀綱

程式無不總焉大事三省通議則同執政官合班小事尚書

省獨議則同僕射丞分班輪奏若事由中書門下有失當應

奏者亦如之自建隆以來不除惟親王元佐元儼以使相兼

領不與政事政和二年詔尚書令太宗皇帝曾任今宰相之

官已多不須置宣和七年詔復置令

容齋隨筆中書尚書令在漢爲少府官屬侍中

但爲加官東漢亦屬少府而秩稍增尚書令爲千石然銅印墨綬去公卿甚遠至或出爲縣令魏晉以來浸以華重唐初

六典通考卷十一

七

遂爲三省長官居眞宰相之任猶列三品大祿中升正二品
國朝位益尊班敘在太師上然只爲親王及使相兼官無單
拜者見任宰相帶侍中者才五人范公質趙韓王普丁晉公
謂馮魏公拯韓魏王琦尙書令又最貴除宗王外不假人趙
韓王韓魏王始贈眞令韓公官止司徒及贈尙書令乃詔自
今更不加贈蓋不欲以三師之官贊其稱也政和初蔡京改
侍中中書令爲左輔右弼而不置尙書令以爲太宗皇帝曾
任此官不知乃唐太宗爲之故郭子儀不敢拜非本朝也
左右僕射掌佐天子議大政貳令之職與三省長官皆爲宰
相之任自官制行不置侍中中書令以左僕射兼門下侍郎
右僕射兼中書侍郎行侍中中書令職事他官本非令典唐
制所謂反輕宰相之體是也然時方用兵則兼節度使崇儒
學則爲大學士急財用則爲鹽鐵轉運使國家方重其事而
以宰相提綱猶有說也至於三省俱爲政本長官則宰相所
謂中書門下同平章事是也佐官則參知政事是也今元豐
改官制既以中書門下同平章事爲左右僕射參知政事爲
中書門下侍郎尙書左右丞矣而復以左僕射兼門下侍郎
右僕射兼中書侍郎是既自爲佐官而復以長官兼之贊
甚矣蓋神宗必欲復唐三省而蔡確方爲次相兼中書侍郎

王珪爲首相兼門下侍郎確欲陰竝珪於門下使不得與中書造命之事苟便其私而不顧名稱之不順也

南渡

後置左右丞相省僕射不置左丞右丞掌參議大政通治省

事以貳令僕射之職僕射輪日當筆遇假故則以丞權當筆

知印舊班六曹尚書下官制行升其秩爲執政元豐五年五

月詔左右僕射丞合治省事葉夢得曰本朝沿唐制尚書門

相侍中中書尚書令是也既又以秩高不除故以左右僕射

爲宰相而左僕射兼門下侍郎行侍中之職右僕射兼中書

侍郎行中書令之職而別置侍郎以佐之則三省互相兼矣

然僕射既爲宰相則命令進擬皆由已出尙何省覆之有方

其進對執政無不同則門下侍郎亦預聞之矣故批旨皆曰

三省同奉聖旨既奉之而又審之亦無是理門下省惟有給

事中封駁未有左僕射與門下侍郎自駁已奉之命者則侍

中侍郎所謂省審者殆虛文也元祐間議者以詔令稽留吏

員冗多因有併廢門下省之意後雖不行然事當奏稟左相

必批送中書左相將上而右相有不同往往持之不上或退

送不受左相無如之何侍郎雖無所用力事權多在

南渡後

復置參知政事省左右丞不置左右司郎中員外郎各一人
掌受六曹之事而舉正文書之稽失分治省事左司治吏戶
禮奏鈔班簿房右司治兵刑工案鈔房元豐六年都司置御
史房主行彈糾御史案察失職催驅封樁印房則通治之有
稽滯以期限舉催初於都司置吏設案而議者謂臺郎宰掾
不當目爲官司遂隨省房分治所領之事惟置手分書奏各
四人主行校定省吏都事以下功過及遷補之事元豐七年
都司御史房置簿以書御史六曹官糾察之多寡當否爲殿
最歲終取旨升黜宣和二年左司員外郎王蕃奏都司以彌
綸省闕爲職事無不與今宰丞入省諸房文字填委次第呈
覆自朝至於日中或昏暮僅絕其勢不暇一一檢閱細故而

省吏徑稟宰丞請筆以草檢令承從官齎赴郎官廳落日押字謂宜遵守元豐及崇甯舊法諸房各具簽帖先都事自點檢次郎官押訖赴宰丞請筆行下於是詔都司省吏自今違法事其左右司官尚書具事舉劾建炎三年詔減左右司郎官兩員置中書紹興三十二年詔尚書省吏兵房三省樞密院機速房尚書省刑戶工房三省樞密院看詳賞功房尚書省禮房令左右司郎官四員從上分房書擬隆興元年詔左右司郎官各差一員乾道七年添置右司郎官二人編修敕令所掌裏集詔旨纂類成書乾道六年置詳定司以右丞相虞允文提舉參知政事梁克家同提舉慶元二年提舉以右丞相余端禮兼同提舉以參知政事京鏜兼仍以編修敕令

所爲名詳定以待從官兼刪定官以就職事官內差兼

清熙

年詔趙如愚進所纂集國朝名臣奏議君道至邊防終之以
總議凡一百五十卷孝宗諭宰相周必大等曰治道盡在此

矣

樞密院掌軍國機務兵防邊備戎馬之政令出納密命以

佐邦治凡侍衛諸班直內外禁兵招募閱試遷補屯戍賞罰
之事皆掌之以升揀廢置揭帖兵籍有調發更戍則遣使給
降兵符除授內侍省官及武選官將領路分都監緣邊都巡
檢使以上大事則稟奏其付授者用宣小事則擬進其付授
者用劄先具所得旨關門下省審覆面得旨者爲錄白批奏
得畫者爲畫旨並畱爲底惟以白紙錄送皆候報施行其被
御寶批旨者卽送門下省繳覆應給誥者關中書省命詞卽
事干大計造作支移軍器及除都副承旨二衙管軍三路沿

邊帥臣太僕寺官文臣撰右職仍同三省取旨宋初循唐五代之制置樞密院與中書對持文武二柄號爲二府院在中書之北印有東院西院之文共一院但行東院印而職事條目頗多每朝奏事與中書先後上殿慶厯中二邊用兵知制誥富弼建言邊事係國安危不當專委樞密仁宗以爲然詔中書同議諫官張方平亦言中書宜知兵事乃以宰相呂夷簡章得象並兼樞密使熙甯初滕甫言中書樞密院議邊事多不合趙明與西人戰中書賞功而密院降約束郭達修堡柵密院方詰之而中書已下褒詔願大臣凡戰守除帥議同而後下神宗善之元祐四年司諫劉安世言國朝革五代之弊文武二柄未嘗專付一人乞依故事命大臣兼領靖康元

年知樞密院事李綱言在祖宗時樞密掌兵籍虎符三衙管

諸軍率臣主兵柄各有分守自童貫領樞密院事爲宣撫使

既主兵權又掌兵籍虎符今日不可不戒乞將團結到勤王

正兵並付制置使行營司兵付三衙從之元豐分房十廷房

五人守關主事二人令史十三人書令史十五人元祐既叙

支馬小吏二房增令史爲十四人書令史十九人叙正名帖

房十人樞密使知院事佐天子執兵政而同知副使簽書爲之

貳凡邊防軍旅之常務與三省分班稟奏事干國體則宰相

執政官合奏檢詳官一員計議官四員編修官隨事置無定

員馬端臨曰祖宗時樞密院官雖曰掌兵亦未嘗不兼任宰

相之事景德四年中書命祕書丞楊士元通判鳳翔府樞

密院命之掌內香藥庫兩府不相知宣敕各下乃詔自今中

書所行事關軍機及內職者報樞密院樞密院所行關民政

及京朝官者報中書是樞密院得預除授之事也又是年命

宰臣王旦監修兩朝正史知樞密王欽若陳堯叟參知政事

趙安仁並修國史是樞密院可預文史之事也慶厯以後始以宰相兼樞密使及元豐官制行欲各正其名遂不復兼乃詔大事三省與樞密院同議進呈畫旨稱三省樞密院同奉聖旨三省官皆同簽書付樞密院行之小事樞密院獨取旨行訖關三省每朝三省樞密院先同對樞密院退待於殿廡三省始置進呈三省事退樞密院再上進呈獨取旨遂爲定例然熙寧初以司馬溫公爲樞密副使公以言新法不見聽力辭上使人謂之曰樞密兵事也官各有職不當以他事辭其時文潞公亦在樞府維持正論終不能抑新法之行至哲宗卽位蔡確爲相溫公爲門下侍郎章惇知樞密院溫公欲復差役法而確言此大事當與樞密院同議取旨惇果駁溫公所言然則樞密院雖可以參謀三省之事而又在所委任之者如何溫公潞公當熙寧之時與國論不合則欲其專任本兵不預他事蔡確當元祐之初欲引章惇自助則欲其共立異議陰排正人至紹聖以後兩翰林學士院掌制誥詔令撰述之事凡立后妃封親王拜宰相樞密使三公三少除開府儀同三司節度使加封加檢校官並用制賜大臣大中大夫觀察使以上用批答及詔書餘官用敕書布大號令用御札

戒勵百官曉諭軍民用敕榜遣使勞問臣下口宣凡降大赦
曲赦德音則先進草大詔命及外國書則具本取旨得畫亦
如之凡拜宰相及事重者晚漏上天子御內東門小殿宣召
面諭給筆札書所得旨稟奏歸院內侍鎖院門禁止出入夜
漏盡具詞進入遲明白麻出閣門使引授中書中書授舍人
宣讀其餘除授并御札但用御寶封遣內侍送學士院鎖門
而已至於赦書德音則中書遣吏持送本院內侍鎖院如除
授焉凡撰述皆寫畫進入請印署而出中書省受狀亦如之
若已畫旨而未盡及舛誤則論奏貼正凡宮禁文詞皆掌之
乘輿行幸侍從以備顧問有獻納則請對仍不隔班凡奏事
用榜子關白三省樞密院用諮報不名凡初命爲學士皆遣

使就第宣詔旨召入院上日敕設會元豐中始命佩魚自蒲

宗孟始見執政議事則繫鞵蓋與侍從異禮也政和三年強

淵明請以前後所被旨及案例修爲本院敕令格式五年御

書摘文堂榜賜學士院靖康元年吳玠等奏大禮鎖院麻三

道以上係雙學士宿直分撰乞依故事從之一承旨不常置

以學士久次者爲之凡它官入院未除學士謂之直院學士

俱闕它官暫行院中文書謂之權直乾道九年崔敦詩初以

秘書省正字兼翰林權直淳熙五年敦詩再入院議者以翰

林應奉之所非專掌制誥之地更爲學士院權直後復稱翰

林權直然亦互除不廢權正或至三人

洪适爲翰林學士兼中書舍人輔臣奏自

來無翰苑兼西掖者上曰洪适在後省甚稱職且要其整頓網紀故事給舍繳駁施行者皆封付三省秦垣提舉太平宮

迺奏秦檜欺天盜權戕害忠直當錮其子孫卽時御筆依奏
乃封付迺明日召對上曰所論甚當異日有繳奏只批敕進
來不須聯章

論曰自漢用尙書郎入直殿廷含香握蘭號爲美選至
唐更立翰林學士院命曰天子私人名雖變古而其崇
禮之實與漢無以異也考其時預斯選者必皆宏通淹
雅之材博聞練達之識或推勞而授或循階而進入可
以備顧問出可以宣詔敕雍容侍從于殿陛之間而文
章炳焉與兩漢儒者同風故茲官在唐得人特盛自北
宋以後未有能及焉者也夫人之性分各有短長匪可
拘以一途其能已見其效已著因其所有而授之未有
不當其職者唐之翰林不必皆由進士起家苟稱是位

雖布衣處之而不以爲嫌李白之召爲供奉是也明初太祖因求賢館爲翰林院於時海內耆彥碩儒多自布衣簡任最後乃定制非進士不得入選終明一代之人才遠不如唐宋則科舉資格之嚴實有以限之矣夫國家所取乎翰林者非以其能爲制誥章奏之文乎顧其平日所習不過四子章句咕嚕蹇淺之術非有諳于國故朝章也所求非所習所取非所用夫如是則修德抱道者莫不卷懷而退而庸鄙齷齪之夫相與駢肩而來矣且漢唐以制策試天下士故通經學古之才各得以自見至近代以八韻楷書懸爲一定之程則其技愈下其法愈舛雖使樂工賤胥一朝操寸管而得之儼然服

朱紱而佩銀魚矣孰得議其非宜哉明洪武初詹同遷翰林直學士太祖諭之曰翰林爲文但取通道術達時務無事浮薄旨哉斯言乎夫天下最號爲浮薄者孰有過于今日進士之文挾其迂謬之識空疏之學非特與道術時務大戾也卽責以一藝之工而不可得故數十年以來翰林一途天下羣用爲口實而千百庸鄙齷齪之徒且紛紛然覬望求進而莫之止也

遼南面中書省初名政事省太祖所置世宗天祿十二年改

中書省有中書舍人院

太宗入汴受冊禮詔室昉知制誥天祿中爲南京留守判官應歷間累遷

翰林學士出入禁闥十餘年保甯間兼政事舍人數延問古今治亂得失奏對稱旨

唐制

按遼設三省與唐宋同史文簡略不詳各官職掌列傳中間稱政事舍人卽中書舍人也遼又有左右通進司

知樞密院使詰院給事
與唐宋小有異同

南面樞密院設樞密使副使同知樞密

使事及簽書樞密院事餘官曰都承旨副承旨曰林牙曰知
院貼黃曰給事知聖旨頭子事曰掌院頭子又有敝史郎君
通事掾史等員北面大林牙院掌文翰之事其官曰北面都
林牙北面林牙承旨左林牙右林牙又有文班未詳所掌其
官曰文班太保文班林牙文班牙署文班吏南面翰林院掌
天子文翰之事官曰翰林都林牙蕭罕嘉努聖宗時擢翰林
都林牙兼修國史諭之曰
文章之職國之光華非才不用以卿文學爲時大南面林牙
儒是用授應以翰林之職朕之起居悉以實錄
翰林學士承旨翰林學士王鼎清甯五年擢進士第累遷翰
林學士當代典章多出其手上書
言治道十事帝以鼎達政體事翰林祭酒知制誥御前寶金
多諮訪壽隆初升觀書殿學士鑄文曰御前之寶以印臣僚宣命詔書寶文曰書詔之寶凡

書詔批答用之契丹寶受契丹冊儀符寶郎捧寶置御坐東
吏部印銀鑄以印又官制詰兵部印文曰兵部之印銀鑄以
印軍職制詰會同九年太宗伐晉末帝上傳國寶一金印三
續紐六面其正面文受命於天既壽永昌魚鳥篆子嬰以上
漢高祖王莽篡漢平皇后投璽殿階幄角微玷獻帝失之孫
堅得於井中傳至孫權以歸於魏魏文帝刻眉際曰大魏
受漢傳國之寶唐更名受命寶晉亡歸遼自三國以來僭偽
諸國往往模擬私製歷代府庫所藏不一莫辨真僞聖宗開
泰十年馳驛取石晉所上玉璽於中京興宗重熙七年以有
傳國寶者爲正統賦試進士天祐
保大二年遣傳國璽於桑乾河

金天會四年建尙書省遂有三省之制海陵正隆元年罷中
書門下省止置尙書省二年罷尙書省文資令史出爲外官
金初置左右司侍郎天眷三年始更郎中舊凡視朝報政官
親報奏自天德二年詔以付左右司官爲定制左司郎中一

員員外郎一員掌本司奏事總察吏戶禮三部受事付事兼帶修起居注官迴避其間記述之事每月朔朝則先集是月秩滿者爲簿名曰闕本及行止簿貼黃簿并官制同進呈御覽畢則受而藏之每有除拜凡尙書省所不敢擬注者則一闕具二三人以聽制授焉都事二員

貞元二年左右司官宮中出身並進士令史三

色人內通選三年以監察御史相應人取次稟奏不復擬注

掌本司受事付事檢勾稽失

省署文牘兼知省內宿直檢校架閣等事右司所掌同左司郎中員外郎各一員掌本奏事總察兵刑工三部受事付事兼帶修注官迴避其間記述之事都事二員尙書省管勾同管勾總掌察左右司大程官追付文牘并提控小都監給受紙筆餘管勾同吏部尙書掌文武選授勳封考課出給制誥

之政以才行勞效比仕者之賢否以行止文冊貼黃簿制各

闕之機要正七品以上以名上省聽制授從七品以下每至

季月則循資格而擬注自八品以上則奏以下則否郎中掌

文武選流外遷用官吏差使行止名簿封爵制誥一員掌勳

級酬賞承襲用蔭循遷致仕考課議誼之事承發司管勾同

管勾掌受發省部及外路文字

屬尚書兵部

近侍局提點掌侍從

承勅令轉進奏帖直長

正八品

中常侍

正五品

給事中

從五品

內殿

通直

正六品先名內殿給使

黃門郎

從六品

內謁者

正七品

審官院

承安四年設太

安二年罷之若注擬失知院一員掌奏駁除授失當事

隨朝六品

當止令御史臺官論列外路五品以上官除授並送本院審之補闕拾遺監

同知審

察雖七品亦送本院或御批亦送稟惟部除不送

女直漢人各二人以御史臺終場舉人擇充

登聞鼓院知

官院事一員掌書四人

登聞鼓院同知登聞鼓院事掌奏進告御史臺登聞檢院理
斷不當事承安二年以諫官兼知法二員從八品登聞檢院
知登聞檢院同知登聞檢院掌奏御進告尚書省御史臺理
斷不當事知法從八品天輔七年始置樞密院官制與宋遼
同都事一員掌受事付事檢勾稽失省署文牘兼知宿直之
事翰林學士院天德二年命翰林學士院自侍讀學士至應
奉文字通設漢人十員女直契丹各七員
翰林學士承旨正三品掌制撰詞命凡應奉文字銜內帶知
制誥趙可仕至翰林直學士一時詔
誥多出其手流輩服其典雅翰林待制正五品不限
員分掌詞命文字分判院事銜內帶知制誥翰林修撰從六
品不限員掌與待制同韓昉爲乾文閣待制加衛尉卿知制
誥性善屬文最長於詔冊作太祖廟
德神功碑應奉翰林文字從七品黨懷英能屬文工篆
當世稱之章宗

初卽位好尙文辭旁求文學之士以備侍從謂宰臣曰翰林
闕人如之何張汝霖奏曰郝侯能屬文宦業亦佳上曰近日
制詔惟黨懷英最善移刺履進曰進士擢第後止習吏事更
不復讀書近日始知爲學矣上曰今時進士甚減裂唐書中
事亦多不知朕殊不喜明昌五年八月上顧謂宰執曰應奉
王庭筠朕欲以詔告委之其人才亦豈易得近黨懷英作長
白山冊文殊不工聞文士多妬庭筠者不論其文願以行止
爲訾大抵讀書人多口頰或相黨昔東漢之士與宦官分朋
固無足怪如唐牛僧孺李德裕宋司馬光王安石均爲儒者
而互相排毀何耶遂遷庭筠爲翰林修撰史臣曰世宗章宗
之時儒風丕變庠
序曰盛士由科第位至宰輔者接踵當時儒者雖無專門
名家之學然而朝廷典策郊國書命粲然有可觀者矣符

寶郎四員掌御寶屬殿前都點檢司

元初置中書令銀印世祖以皇太子兼之

時趙天麟上策略曰中書者機務之

聞津天門之鎖鑰挈四海蒼生之命掌萬春皇闕之家任之當則奠枕磐石不當則療官病政實國家股肱心膂之臣也

太子任天下副君何須銀章玉帶

輝一時之華

中統元年置參議中書省事

順帝時又置中書議事平章四人

典左右司文牘爲六曹管

轄軍國重事咸與決焉曰參議府

續通考自唐時杜淹以吏部尙書參議朝政魏徵以

秘書監參預政事其後或曰參議或曰參知皆宰相職也設府自元始考宰相表已不列入則爲曹司之長耳

十五年分置左右兩司左司掌吏禮房之科九一南吏二北

吏三貼黃四保舉五議禮六時政記七封贈八牌印九好事

知除房之科五一資品二常選三臺院選四見闕選五必里

克選戶雜房之科七一定俸二衣裝三羊馬四置計五田土

一海運二價運三邊遠四

昧程應辦房之科

四回書寫一人漢

竹五一邊關二展

云令二弭盜三功

工房之科六一橫造軍器二常課

段匹三歲賜四營造五應辦六河道令史以下並同左司檢

校官四員掌檢校左右司六部公事程期文牘稽失之事書

吏六人大德元年置管勾一掌出納四方文移緘滕啟折之

事郵遞之程期曹屬之承受兼主之典史八人

世祖使集公卿雜議中書

院臺行移之體計衡日中書佐天子總國政院臺宜具呈時商挺在樞密高鳴在臺皆不樂欲定爲咨稟因大言曰臺院

皆宗親大臣若一忤禍不可測衡曰吾論國制耳何與禮部
於人遂以其言質帝前帝曰衡言是也吾意亦若是

禮部

尚書三員凡儀制損益之文符印簡冊之信神人封諡之法
忠孝節義之褒悉任之初至元七年議立三省高鳴上封事
曰三省設自近古法由中書出政移門下議不合則有駁正
或封還詔書議合則還移中書中書移尚書尚書乃下六部
郡國方今天下大於古而事益繁取決一省猶曰有壅況三
省乎且多置官者求免失政也使賢俊萃於一堂連署參
決自免失政豈必別官異坐而後無失政乎故曰政貴得人
不貴多官不如一省便世祖深然之議遂罷阿哈瑪特大
書兩省爲一拜右丞相安圖爲三公陰欲奪其政柄有詔會
議王磐言合兩省爲一而以右丞相總之實便不然則宜仍
舊三公既不與政事則翰林兼國史院正二品中統初以王
不宜虛設其議遂沮

鶚爲翰林學士未立官署至元元年始置

王鶚字百一，世祖即位，首授翰林學士。

士承旨制諸典章皆所裁定。至元元年，上奏自古帝王得失興廢可考者，以有史在也。國家以神武定四方，天戈所臨，無不臣服。皆出太祖廟謨，雄斷所致。若不乘時紀錄，竊恐久而遺亡。宜置局纂修實錄，附修遼金二史。又言：唐太宗始定天下，置宏文館，學士十八人。宋太宗承太祖之後，設內外學士院，史冊燭然，號稱文治。今豈無英才如唐宋者乎？上皆從之。始立翰林院，掌譯寫一切文字及頒降聖書，並用蒙古新字，仍各以其國字副之。至元八年，始立新字學士於國史院。

蒙古翰林院掌譯寫一切文字及頒降聖書並用

蒙古新字仍各以其國字副之至元八年始立新字學士於

國史院十二年別立翰林院置承旨直學士各一員待制二

員修撰一員應奉四員寫聖旨筆且齊十一人凡宣命一品

二品用玉三品至五品用金其文曰皇帝行寶者惟用之詔

誥別鑄宣命金寶行之

世祖即位，置符寶局，以董文忠爲郎中，呼董公而不名。文忠不爲容悅，隱辱

獻納中禁事，秘外多不聞。

至元七年立尙書省明年罷其後再立再罷並其職入中書省故中書事益繁冗而應奉文字多出於禮部翰林矣其樞密院專掌兵事亦不能與中書省絜重又編修官本宋樞密院官元始屬之翰林其檢閱亦宋樞密檢詳之職以翰林文繁事劇故移以併入焉

明太祖鑒前代壅蔽之禍革中書省罷丞相洪武十五年始

倣宋制置華蓋殿武英殿文淵閣

明百官述直文淵閣卽入閣辦事也

東閣諸

大學士

禮部尙書劉仲質爲華蓋檢討吳伯宗爲武英翰林學士宋訥爲文淵典籍吳沈爲東閣

又置文

華殿大學士

徵書儒鮑恂余詮張長年等爲之

特侍左右備顧問而已建文

改大學士

悉罷諸大學士一人又改謹身殿爲正心殿設正心殿學士

成祖卽位特簡解

縉黃淮楊榮等入閣參預機務閣臣之預機務自此始然其

時入內閣者皆編檢講讀之官不置官屬不得專制諸司諸司奏事亦不得相關白仁宗以東宮舊臣陞楊士奇爲禮部侍郎尋陞少保兼華蓋殿大學士楊榮爲太常卿進太子少傅兼謹身殿大學士謹身殿大學士仁宗始置閣職漸崇其後士奇榮等皆選尚書職雖居內閣官必以尚書爲尊景泰中王文始以吏部尚書入內閣自後誥敕房制敕房俱設中書舍人六部承奉意旨靡所不領而閣權益重世宗三殿成改華蓋爲中極謹身爲建極閣銜因之大學士掌獻替可否奉陳規誨點檢題奏票擬批答以平允庶政凡上之達下曰詔曰誥曰制曰冊文曰諭曰誓曰符曰令曰檄皆起草進畫以下之諸司下之達上曰題曰奏曰表曰講章曰書狀曰文冊曰揭帖曰

制對曰露布曰譯皆審署申覆而修畫焉平允乃行之大典
禮大政事九卿科道官會議已定則按典制相機宜裁量其
可否斟酌入告頒詔則捧受禮部會敕則稽其由狀以請宗
室請名請封諸臣請諡並擬上以其授養大內常侍天子殿

閣之下避宰相之名又名內閣

明鄭曉直文淵閣諸臣表序

以太師太傅兼左右丞相汪胡繼之不得領三公黨獄起死
徙數萬人遂詔天下罷中書丞相而以五府九卿分理庶務
當是時翰林奉功官看詳諸司奏啟署翰林院兼平駁諸司
文章事某官某雖殿閣大學士如宋謝吳伯宗皆是左右備
顧問不得平章國事如丞相成祖省公孤而召解縉等七人
直文淵閣內閣之預機務自建文四年始閣中有文淵閣印
印文獨異諸司凡封進詔草登答章疏用之不得下諸司即
下諸司以翰林院印諸司欲上內閣亦稱翰林院翰林院之
入內閣自解縉始獻陵復設公孤西楊始加少保內閣之登
公孤自西楊始東楊以榆木川有大功特置大學士謹身殿
謹身殿之有大學士自東楊始景泰時乃有孤卿入內閣者
蓋自王文始先朝重冢宰雖內閣元輔歷二三十年不得領

大典通考卷十一

三

吏部尙書內閣之領吏部尙書亦自文始內閣未有兼四官者有之亦自文始陳循高穀遂至領五官徐有貞以武功伯兼大學士自署文淵閣事益無謂矣有貞後二十人惟萬安邱濬以孤卿入內閣餘皆修撰贊善通議少卿少詹事侍郎自焦芳至於今非孤卿則六卿惟翟璵以侍郎兼學士故內閣職業重於中書省體統尊於三公府省府之名雖廢而內閣之權益隆矣中書科舍人掌書寫誥敕制詔銀冊鐵券等事凡草請諸翰林寶請諸內府左券及勘籍歸諸古今通集庫誥敕公侯伯及一品至五品勘合籍初用二十八宿後用急就章誥命六品至九品敕令勘合籍初用二十八宿後用急就章爲號誥敕之號曰仁義禮智公侯伯蕃王一品二品用之曰十二支曰文行忠信文官三品以下用之曰干字文武官續誥用之皆以干號爲滿滿則復始王府及駙馬都尉不編號土官以文武類編凡大朝會則侍班東宮令節朝賀則導駕侍班於文華殿冊封宗室則充副使

其鄉試會試殿試間有差遣充校並如科員

大祀南郊則隴駕而供事員無正貳印用年深者掌之文華殿舍人職專奉旨書寫書籍武英殿舍人職掌奉旨篆寫冊寶圖書冊葉內閣誥敕房舍人掌書辦文官誥敕番譯勅書并外國文書揭帖兵部紀功勘合底簿制敕房舍人掌書辦制敕詔旨誥敕冊表寶文玉牒講章碑額題奏揭帖一應機密文書各王府敕符底簿永樂初命內閣學士參典機務詔冊制誥皆屬之而謄副繕正皆中書科入辦事竣輒出宣德初始選能書者處於閣之西小房謂之西制敕房而諸學士掌誥敕者居閣東具稿付中書繕進謂之東誥敕房

此係辦事若知

制誥銜惟大學士與諸學士可帶

正統後學士不能視誥敕內閣悉委於中

書序班譯字等官於是內閣又有東誥敕房

因劉鈺不與輔臣會食始嘉靖

未復以翰林史官掌外制而武官諸敕仍自其屬爲之若諸赦敕革之類必由閣臣翰林諸臣不得預其直文

華武英兩殿供御筆札者初爲內官職繼以中書分置後亦專舉能書者大約舍人有兩途由進士部選者得遷科道部屬其直兩殿兩房舍人不必由部選自甲科監生生儒布衣能書者俱可爲之不由科甲者初授序班及試中書舍人不

得遷科道部屬後雖加銜九列仍帶銜辦事

楷書出身者或加太常卿銜沈

度沈粲潘辰等有加至翰林學士禮部尚書者

禮部尚書凡傳制詰開讀詔敕表箋

及上下百官往來移文皆授以程式焉尚寶司掌寶璽符牌印章而辨其所用皇帝奉天之寶爲唐宋傳璽祀天地用之若詔與赦則用皇帝之寶冊封賜勞則用皇帝行寶詔親王大臣及調兵則用皇帝信寶上尊號則用皇帝尊親之寶諭

親王則用皇帝親親之寶其天子之寶以祀山川鬼神天子
行寶以封外國及賜勞天子信寶以詔外服及徵發詔用制
誥之寶敕用敕命之寶獎勵臣工用廣用之寶敕諭朝覲官
用敬天勤民之寶若御前之寶表章經史之寶欽文之寶璽
寶圖書文吏等用之凡寶之用必奏請而待發每大朝會本
司官二員以寶導駕俟陞座各置寶於案立待殿中禮畢捧
寶分行至中極殿置案而出駕出幸則奉以從焉歲終移欽
天監擇日和香物入水洗寶於皇極門籍奏一歲用寶之數
凡請寶用寶捧寶隨寶洗寶繳寶皆與內官尙寶監俱凡金
牌之號五以給勳戚侍衛之扈從及班直者巡朝者夜宿衛
者曰仁其形龍公侯伯駙馬都尉佩之曰義其形虎勳衛指

揮佩之曰禮其形麟千戶佩之曰智其形獅百戶佩之曰信其形祥雲將軍佩之半字銅符之號四以給巡城寺衛官曰承曰東曰西曰北巡者左半守者右半合契而點察焉令牌之號六曰甲以給金吾諸衛之警夜者曰木曰金曰土曰火曰水以給五城之警夜者銅牌之號一以稽守卒曰勇牙牌之號五以察朝參公侯伯曰動駙馬都尉曰親文官曰文武官曰武教坊司曰樂嘉靖中總編曰官字某號朝參佩以出入不則門者止之私相借者論如律有故納之內府祭牌之號三陪祀官曰陪供事官曰供執事人曰執雙魚銅牌之號二曰嚴以肅直衛錦衣校尉之止直者曰善以飭光祿胥役之供事者符驗之號五曰馬曰水曰達曰通曰信

符驗之至
上織船馬

之狀起馬用馬字雙馬用達字單馬用通字起船者用水字並船用信字親王之藩及文武出鎮

撫行人通使命者則給之御史出巡察則給印事竣咸驗而

納之稽出入之令而辨其數六科給事中掌侍從規諫補闕

拾遺稽察六部百司之事凡制敕宣行大事覆奏小事署而

頒之有失封還執奏凡內外所上章疏下分類抄出參署付

部駁正其違誤吏科凡吏部引選則掌科即都給事中以掌本科印故名六科

同至御書請旨外科領文憑皆先赴科畫字內外官考察

自陳後則與各科具奏拾遺糾其不職者戶科監光祿寺歲

入金穀甲字等十庫錢鈔雜物與各科兼蒞之皆三月而代

內外有陳乞田土隱占侵奪者糾之禮科監定禮部儀制凡

大臣曾經糾劾削奪有玷士論者紀錄之以核贈諡之典兵

科凡武臣貼黃詰敕兵科一人監視其引選畫憑之制如吏科刑科每歲二月下旬上前一年南北罪囚之數歲終類上一歲蔽獄之數閱十日一上實在罪囚之數皆憑法司移報而奏御焉工科閱試軍器局同御史巡視節慎庫與各科稽查寶源局而主德闕違朝政失得百官賢佞各科或單疏專達或公疏聯署奏聞雖分吏六科其事屬重大者各科皆凡得通奏但事屬某科則列某科爲首凡日朝六科輪一人立殿左右珥筆記旨凡題奏日附科籍五日一送內閣備編纂其諸司奉旨處分事目五日一註銷覈稽緩內官傳旨必覆奏復得旨而後行鄉試充考試官會試充同考官殿試充受卷官冊封宗室諸蕃或告諭外國充正副使朝參門籍六科流掌之登聞鼓樓日一人皆錦衣官監

泣洪武元年以監察御史一人監登受牒則具題本封上週

決囚有投牒訟冤者則判停刑請旨凡大事廷議大臣廷推

大獄廷鞫六掌科皆預焉

邱海曰我朝始分六科設都給事中左右給事中隨其科事煩簡而

設員凡奏章出入咸必經由有所遺佚抵牾更易紊亂皆有封駁不特此也凡朝政之得失百官之賢佞皆許聯署以聞實兼前代諫議補闕拾遺之職祖宗設官不以諫諍名官欲人人得以盡其言也而又寓其責於科道吁四海無不可言之人百官無非當言之職於汎然散處通政使掌受內外之中而寓隱然端責之意設官之意微矣

章疏敷奏封駁之事凡四方陳情建言申訴冤滯或告不法

等事於底簿內謄寫訴告緣由齎狀奏聞凡天下臣民實封

入遞卽於公廳啟視節寫副本然後奏聞卽五軍六部都察

院等衙門有事關機密重大者其入奏仍用本司印信凡諸

司公文勘合辨驗允當編號注寫公文用日照之記勘合用

驗正之記關防之凡在外之題本奏本在京之奏本並受之於早朝彙而進之有徑自封進者則參駁午朝則引奏臣民之言事者有機密則不時入奏有違誤則籍而彙請凡抄發照駁諸司公移及勘合訟牒勾提件數給繇人員月終類奏歲終通奏凡議大政大獄及會推文武大臣必參預初洪武三年置察言司尋罷十年置通政使司以會秉正爲通政使諭之曰政猶水也欲其常通故以通政名官卿其審命令以正百官達幽隱以通庶務當執奏者勿忌避當駁正者勿阿隨當敷陳者毋隱蔽當引見者毋畱難十二年撥承敕監給事中殿廷儀制司九關通事隸焉按元通政院專掌站赤不關朝政至明之通政司則內外兼掌蓋參取宋通進司登聞鼓翰林學士掌制誥史冊文

院二職而并爲一故位列在九卿

翰林學士掌制誥史冊文

翰之事以考試制度詳正文書備天子顧問凡經筵日講纂修實錄玉牒史志諸書編纂六曹章奏皆奉敕而統承之詔敕以學士一人兼領正統中王直王英禮部侍郎兼學士專罷以講讀編檢官管之大政事大典禮集諸臣會議則與諸司參決其可否侍書掌以六書供侍待詔掌應對孔目掌文移內省文書房十員掌收通政司每日封進本章并會極門京官及各藩所上封本其在外之關票在內之搭票一應聖諭旨意御批俱由文書房落底簿發凡升司禮者必由文書房出如外廷之詹翰也

論曰三省之制昉于魏晉凡國家文告機務靡不由之以出至唐增設翰林學士宋又增樞密院使明則總其

務於內閣數者皆因時而創制者也若舉其得失論之則事權畫一莫如明之內閣爭論紛紜莫如宋之三省樞密院夫樞機之地不可以委授私人漢武帝設中書令而有宏恭石顯之禍唐代宗設樞密使而有楊復恭劉季述之變古今宦者之害惟二代之末流最烈然而中書之令樞密之院實爲首禍之階君子不能不歸咎于武代二主焉宋承五季之陋官制叢雜政出多門中書樞密互持異端各不相下其賢者斤斤焉爲天下之公其不肖者嘵嘵然爲一己之私至元祐諸賢分黨攻擊而小人竊命于其間國遂以亡故宋之人才非遽乏于前代徒以議論多而成功少是非鋒起遲久不決雖

天子亦莫知所嚮則其立法之敝實然也明之內閣首
稱三楊其後通賢碩夫相繼柄用雖有逆奄之徒假其
權以濟威虐然終明之世閣務未嘗廢弛也自古文章
與世高下而國運之盛衰繫之文中子稱漢之制策詔
命幾乎典誥非獨其朝多著作之才與其時之去古未
遠也抑所謂盛世之音宏達而疏遠者彼實有庶幾焉
若至季葉道喪禮樂崩離人心闇於義理科第半由賄
進于是盡天下不學無術之輩簪筆持橐於廟廷之上
而一切撰擬進奉之文匪蹇蹇而難通卽佻薄而寡實
四方內外用此輕量朝廷之無人而其國運亦從可知
矣悲夫

六典通考卷十二

湖西閭鎮珩輯

設官考

官府八法

朝廷者天下之本也官府者萬化之基也大臣總治於
上百官分任於下事有統紀效有責成然後庶績釐而
天下定故曰惟治亂在庶官揚子雲曰斷木爲棊攄革
爲鞠皆有法焉而況朝廷之大百官之衆乎昔之盛王
選賢能稽勤惰嚴賞罰俾人才各自矜奮於其世而內
外遠近之事纖悉無所不理及秦以來人主操法過密
朝夕舉持繩目以相督迫而略無忠厚矜惻之意百官

庶司慄慄焉救過不暇何暇竭力以圖治哉至陳隋五代之季屠販盜賊奮爲帝王君不君臣不臣綱紀掃地篡弑相踵非其才盡不肖也無法則然耳夫聖人之法不虛立循之則治悖之則亂後世有起自偏荒肇基側微而成一統之業者其法度必粲然可觀往往於周官之意十得六七焉嗚呼豈偶然哉

太宰以八法治官府

百官所居曰府

掌建邦之六典一曰治典以治

官府二曰教典以教官府三曰禮典以統百官

統猶合也

四曰政

典以正百官五曰刑典以刑百官六曰事典以任百官凡治

以法待官府之治

小宰掌邦之六典八法八則之貳以逆

官府之治

逆迎受之貳副也

疏迎受而句考之以知功過所在

令於百官府曰各修

乃職考乃法待乃事以待王命其有不共則國有大刑王昭禹曰

百官府乃治事於王宮者大刑非特常刑也宮禁宜嚴今律宮殿中坐比常法有加亦此意

宰夫掌治

法以考百官府之治

府者官居之總名左傳昭二十五年公居於長府注長

府官府名曲禮在官言官在府言府注官謂版圖文書

之處府謂寶藏貨賄之處其見於傳記者或曰宅或曰

署或曰次魯語文公欲弛孟文子之宅韋昭云宅有司

所居公欲毀之以益官文子對公曰有司來命易臣之

署又曰署所以朝夕虔君命也後世官署之稱昉此左

傳襄二十二年公鉏爲馬正恪居官次注次舍也朝退

之次亦曰室考工記外有九室九卿朝焉康成曰九室

如今朝堂諸曹治事處外路門之表也秦漢時丞相曰
府御史大夫曰寺史記范睢傳須賈入秦相府漢官舊
儀云丞相門署用梗板方圓三尺不堊色不郭邑署曰
丞相府又云御史大夫寺在司馬門內門署用梓板不
起郭邑題曰御史大夫寺顏師古漢書注曰凡府庭所
在皆呼爲寺元帝紀毀壞官寺是也風俗通曰寺嗣也
理曹之吏嗣續於其中漢書稱丞相御史曰二府劉向
傳二府奏倭調不當在位後書何敞傳二府以爲故事
注二府謂司徒司空司徒卽丞相司空卽御史大夫亦
稱兩府杜延年傳常與兩府及廷尉分章如瀉曰兩府
丞相御史也車千秋等傳贊丞相御史兩府之士不能

正議趙充國傳兩府白遣義渠安國行視諸羌蕭望之傳天子下其議兩府丞相御史以難敞薛宣傳宣考績功課簡在兩府翟方進傳司隸校尉初除謁兩府是也亦稱大府杜周傳郡吏大府舉之廷尉師古曰郡吏太守也大府丞相御史之府後書又多稱三府承宮傳三府更辟皆不應注三府謂太尉司徒司空府郎顗傳選舉牧守委任三府注三公也賈琮傳帝特敕三府精選能吏朱浮傳光武不復委任三府陳元傳事下三府寒朗傳章帝召見朗詔三府爲辟首又通鑑永平十四年御史寒朗理楚王英事帝曰何以不與三府議胡三省曰三府太尉司徒司空府也亦稱三司胡廣傳與故吏

陳蕃李咸並爲三司鄭康成傳辟大將軍三司府此三司亦謂太尉司徒司空蓋太尉卽司馬故云三司也合大將軍亦稱四府趙典傳建和初四府表薦注四府大尉司徒司空大將軍府質帝紀四府掾屬通經者各令隨家法和熹鄧皇后紀選四府掾史應奉傳四府舉奉才堪將帥是也亦有以三公并太傅稱之者虞詡傳注四府謂太傅太尉司徒司空之府或稱五府樊宏傳五府調省中都官吏京師作者注五府謂太傅太尉司徒司空大將軍是也

官屬

一曰官屬以舉邦治

鄭司農云官屬謂六官其屬各六十若今博士大史大宰大祝大樂屬大常也

小宰賤曰以官府之六屬舉邦治一曰天官其屬六十是也

小宰以官府之六屬舉邦

小宰賤曰以官府之六屬舉治一日天官其屬六十是也

治一曰天官其屬六十掌邦治大事則從其長小事則專達
二曰地官其屬六十掌邦教大事則從其長小事則專達三
曰春官其屬六十掌邦禮大事則從其長小事則專達四曰
夏官其屬六十掌邦政大事則從其長小事則專達五曰秋
官其屬六十掌邦刑大事則從其長小事則專達六曰冬官
其屬六十掌邦事大事則從其長小事則專達若庖人內外
之屬三百六十象天地四時日月星辰之度數天道備焉前
此者成王作周官其志有述天授位之義故周公設官分職以法之

此者咸王作周官其志有述天授
位之義故周公設官分職以法之

高愈曰六官皆稱其屬六十今考天官之屬浮其一而敎官浮十有九春官浮其八夏官浮其十秋官浮其六疑若

數過多然地官自卿大夫至比長自遂大夫至鄰長共十二職俱無府史胥徒乃卽民間賢能舉而長其民者而比長每鄉至二千四百六十人則非王朝之官也自胥師至肆長六職皆係市賈而爲長豈得云官則實計教官之屬止六十一耳而春官內外宗係同異姓之女醫瞽則盲夫眡瞭則細民俱非官也實計春官之屬止六十有四夏官三司馬皆闕又方相氏爲狂夫圉師圉人爲廝養不得居官數實計政官之屬亦六十有四而秋官五隸皆俘奴賤役不得稱官則秋官之屬亦止六十有一而與每屬六十之數固相符也或者以爲五官皆有溢額欲取以補冬官之闕謬矣

乃立天官冢宰使帥其屬而掌邦治以佐王均邦國

邦治謂總六官

之職也故大宰職曰掌建邦之六典以佐王治邦國六官皆總屬於冢宰故論語曰君薨百官總己以聽於冢宰言冢宰

於百官無所不主爾雅曰冢大也冢宰大宰也

治官之屬大宰卿一人小宰中大夫

二人宰夫下大夫四人上士八人中士十六人旅下士卅有

二人

百官總焉則謂之冢列職於王則稱大冢大

宮正

正長也主

宮中官之上也山頂曰冢旅眾也下士治眾事者

宮伯

伯長也

王應龍曰天官之職宮中爲至要故小宰

宰夫以宮職爲至重宮正宮伯與小宰宰夫相戒交舉乃天

官第一義

膳夫

膳之言善也今時美物曰膳膳夫食官之長也

庖人

庖之言苞也裹肉曰

苞

內饗饗割烹煎和之稱

外饗

外饗所主在外亭人

主爲外內饗煮肉者甸師

郊外曰甸師猶長也甸師主共野物官之長

獸人獸人鼈人腊人

腊之言

高愈曰

自膳夫至腊人凡十官爲一屬皆奉王飲食之事也天官自

宰夫而下首列宮官所以擁衛王居而防肘腋之變次列食

官醫官所以保護王躬而防意外之虞 醫師醫師卑食醫

食有和齊疾醫傷創也獸醫獸牛馬賈公彥曰自醫師至

獸醫主療疾之事有生則有疾故醫次食饌也 酒正酒正

之酒人漿人凌人凌冰室也籩人籩竹日醢人醢豆實也不謂之豆

也醢人醢人籩人籩以巾覆高愈曰自酒正至籩人共九職皆

主王飲食供養之事但女酒女漿皆以女人在王宮內內外

貴有別故不與膳夫庖人相次 宮人掌舍舍行所解幕人

幕帷覆掌次次自修賈公彥曰自掌舍至掌次安不忘危出

行之事 大府大府爲王治藏之玉府玉能攻內府主豆貨

內外府主泉藏司會會大計也司會計司書主計會職內主

在外者

司會

官

之長若今尙書

司書

主計會

職內

主

也若今之泉所職歲以歲計職幣司裘掌皮高愈曰二職係王服御之事皆

入謂之少內有會計故列會計諸官之下郝敬曰自大府至掌皮十一職皆貨財之司

而大府與司會爲出入之長王飲食居處外財用爲至急君

心荒於侈與羣小因緣爲姦亦唯財爲甚故冢宰兼領之後

世宰相領度支儒者非之不知後世之失在別設宰相不在

領度支也內宰宮中官內小臣奄奄稱士者閹人以啓晨

者園御苑寺人寺之言侍也內豎未冠者九嬪昏義曰古者

游離宮也正內路寢也宮三夫人九嬪二十七世婦八十一御妻不列夫人於此

官者夫人之於后猶三公之於王坐而論婦禮無官職世

婦不言數者君子不苟於色女御昏義所謂御妻薛衡曰內

宰有婦德者充之無則闕女御御猶進也侍也薛衡曰內

宰所掌自內豎以上所以紀綱王宮之治自九嬪以下所以

輔成王之內治女祝女奴曉女史女奴曉典婦功典主也

祝事者女史女奴曉典婦功典主也

絲枲功典絲典枲陳傅良曰三官悉用士人以此人主奢儉官之長典絲典枲所係國家利害所關非士大夫爲之則害國亂政必不得已與內宮相通如內司服主宮中裁縫官之內小臣內司服之類始用宦者耳內司服長有女御者以衣服進或當于王廣縱人女工女奴染人追師石之名履人夏其禮使無色過縫人曉裁縫者染人追師石之名履人夏采爲綏後世或無故染鳥羽象而用之謂之夏采買公彥曰自內宰至履人陳后夫人以下內教婦人衣服之事君子明以訪政夜以安息故言婦人於後也夏采一職記招魂以其死事故於末言之

陳傅良曰冢宰一職惟制御天子身畔之人一環衛之人二供奉飲食酒漿之人三出納財賄之人四宮中使令之人蓋此等與天子勢狎或用內卿或用女嬖他卿不能誰何所以冢宰盡制御之

敎官之屬大司徒卿一人小司徒中大夫二人鄉師下大夫

四人上士八人中士十有六人旅下士三十有二人

師長也司徒掌

六鄉鄉師分而治之二人鄉老二鄉則公一人鄉大夫每鄉者共三卿之事相左右也

卿一人州長每州中大夫一人黨正每黨下大夫一人族師

每族上士一人閭胥每閭中士一人比長五家下士一人

老

稱也王置六卿閭公有三人也三公者內與王論道中參六官之事外與六卿之發其要爲民是以屬之鄉焉州黨族閭比鄉之屬別正師胥皆長也正之言政也師之言帥也胥有才知之稱

高愈曰鄉大夫萬二千五百家之長六鄉共有鄉大夫六

人其官以卿爲之而復稱鄉大夫者所以別於六遂耳自

鄉大夫至閭胥皆佐司徒以敎其民者僅有其官而無府

史胥徒以爲役蓋皆里中賢者選而舉之使各任其鄉之

事與朝廷之卿大夫不同比長卽五家之民自閭胥以上

則爲別設之官不在齊民之列

封人

聚土曰封謂境埽埽及小封疆也高愈曰司徒主民

官以下卽以

鼓人舞師

舞徒給徭役能

牧人

牧人養牲牛人

封人先之

充人

充猶肥也養

方苞曰鼓舞乃民間通用之樂

之牛者

必屬地官於教民乃便牧人掌牧六牲以共祭祀亦地事也

牧人養牲於田野充人養牲於國中

載師

載之言事也事

者閭師縣師遺閭師

主徵六鄉賦貢之稅者鄉官有州黨族

人均人官之長閭師

閭比正言閭者徵民之稅宜督其稅民

者凡其賦貢入縣師

主天下土地人民已下之數徵野賦貢

大府穀入倉人縣師也

名曰縣者自六鄉以至邦國縣居中

焉

遺人

遺謂以物均人之主平土地高愈曰自載師至均人共

五官爲一類皆主土地人民賦斂征役之事

師氏

師教人以道者

之稱也保氏司

保氏

保安民也以道安人者也

司諫

諫猶正也以道正人行

司救

救猶

禁也以禮防禁人之過者也

調人

調猶和合也

媒氏

媒之言謀也謀合異類使和成者今齊人名翹翹曰

媒高愈曰自師氏至媒氏共六官爲一類主詔諫王訓國子

而調和匡正會合其民司徒掌教莫切於此

司市

市官質

人質平也主平定物賈者

廛人

廛民居居區

胥師

自胥師以及司稽皆司市所自辟除也胥及肆

長市中給繡役者胥師領肆者賈師定物賈司稽察繡役司稽察繡役不時去者

泉府

泉或作錢高愈曰

自司市至泉府凡十職皆所以治市然自胥師至肆長皆賈

氏爲之地官之屬六十其人皆不在數中

司門

若今城門校尉主王

城門司關關界上

掌節

節猶信也行者所執之信

高愈曰司門司關掌節

三官以其爲貨賄往來交通所係故屬於市官之後太宰九

賦所謂關市之賦者皆司市以下諸官掌之

遂人遂師人

主六遂若司徒之於六鄉也六遂之地自遠
郊以遠於畿中有公邑家邑小都大都焉遂大夫縣正鄙

師鄴長里宰鄰長遂之別屬也王安石曰遂官各降鄉官一

等故州謂之長縣與黨同謂之正鄙與族同謂之師旅師

主斂縣師所徵野之賦穀者族猶處也六遂之官里稍人主

宰之師也正用里宰者亦斂民之稅宜督其親民稍人爲

縣師令鄴邱甸之政也臣王城三百委人主斂甸稍鄒積

里曰稍家邑小都大都自稍與出焉委人之賦以共委積

也土均主平土地草人補人高愈曰自旅師至稍人共

六職俱主郊野米粟兵車芻薪貢賦與夫糞種作田之事次

於遂人之下蓋猶其屬官而爲之左右者也土訓能訓說

惡之誦訓能訓說四方所誦習林之奇曰土訓所訓者土地

之圖誦訓所訓者方志之書山虞虞度也度知山之林衡

衡平也平林麓之大小及所生川衡水也澤虞澤水所鍾也

者竹木生平地曰林山足曰麓

迹人

知禽獸處

卯人

卯之言礦也金

角人羽人掌葛掌染

藍蒨象

掌炭掌茶

茶茅

掌蜃

蜃大蛤月令孟冬

圉人

圉今場

斗之屬

人冬除圃中爲之

高愈曰自山虞至場人共十五職皆主山

林藪澤及其徵斂之事太宰九職有山澤之賦皆此山虞以

下諸官掌之

廩人

藏米曰廩廩人舍人

舍人

舍猶宮也主

也者

倉人司祿

主班

司稼

種穀曰稼如嫁

春人

女春抗女奴能

也

日饕人主炊火也

禮曰主婦視饕饕

食

橐人

橐讀爲飭師之德主

高愈

曰自廩人至橐人共八職皆與米粟之事相出入類爲一屬

錢幣事屬天官米粟事屬地官錢帛主流行米穀主畜藏陰

陽之義也會計之繁劇各有所分而人不得縱其姦後世以

錢穀二事總於戶部筭算之勞不勝言矣

陳傅良曰自鄉師至比長自遂人至鄰長皆鄉遂之官自封人至充人皆疆場畜牧之官自載師至均人皆掌財賦征役之事自司市至泉府皆掌市井自司門至掌節皆掌門關自旅師草人稻人虞衡以至掌染草炭荼蜃極於場人園人無非山林川澤田疇之官所謂數官者師氏保氏司諫司救調人鼓人不過六七而已當時謂之教典何也先王教民自經界始八八爲井五五爲軍市有奠居里有聯比無非習民於正而寓之以道德之意俾之分定而慮不易事同而心臧生厚而德正易直而消靡以服從上令是曰教典幽詩述風化之由孟子言王道之本無非田圃之事誠知本者也

禮官之屬大宗伯卿一人小宗伯中大夫二人肆師下大夫

四人上士八人中士十有六人旅下士三十有二人肆猶陳也肆師

佐宗伯陳列祭祀鬱人鬱鬱金香草也鬱人條暢於上下也

如黑黍一雞人司尊彝彝亦尊也鬱鬱曰彝彝司几筵筵亦

鋪陳曰筵藉之曰席薛衡曰鬱鬱實尊彝而獻之涖几席而

陳之故三職相次天府府物所藏言天者尊典瑞瑞節信

若今符典命命謂王遷秩此所藏若天物然司服高兪曰自天府至司服共四

官皆國家典禮之物名器爵秩所係宜爲禮官重職典祀

守祧女祧遠廟曰祧周爲文王武王廟遷主藏焉世婦后宮

王后六宮漢治大長秋詹內宗凡內女之有爵者姓之女謂

事少府大僕亦用士人外宗凡外女之有爵者姑姊妹之

及士者凡無常數之言外宗凡外女之有爵者姑姊妹之

女謂之墓大夫墓冢塋之地孝職喪也主冢人冢封土爲邱隴象冢而爲

外宗墓大夫子所思慕之處職喪也聖人既立之主以定其

魂復爲之墓以藏其魄故廟之與墓皆有禮儀而不可忽而

守祧與冢人墓大夫皆隸於禮官職喪主諸侯公卿大夫喪

禮者與墳墓之類相近故冢人墓大夫以下以此繼之大

司樂樂官樂師大胥有才知之稱禮記小胥大師小師瞽

矇中瞽下瞽眡瞭凡樂之歌必使瞽矇爲焉命其賢知者以

目眠謂之瞽有目眠而無見典同名官者因其先言耳瞽師

鍾師笙師鏞師鑄如鍾鼗師明堂位曰鼗東夷之樂杜子春

鈴之旄人旄牛尾舞者籥師籥舞者所吹詩云左籥章爲詩

鞀鞀讀如屨也鞀鞀履四夷舞者所屣典庸器庸功也庸

章也今時倡跕鼓沓行者自有屣典庸器器有功者

鑄器銘

司干

持干舞者所持謂楮也

高愈曰大司樂學官之長太師教樂

之官小師其副也自典同至司干共十二職皆太師之屬而

總隸於大司樂

大卜

卜師

卜人

問龜曰卜大卜筮官之長

龜人

取龜

蕤氏

蕤煖用荆華之類

占人

占蓍龜之卦兆吉凶

簪人

問蓍曰筮其占易

高愈曰大卜

卜師卜人三官同署龜人以下皆其屬

占夢

祓禳

殺陰陽氣相殺

新成祥者梓盧云吾見赤黑之祿

大祝

祝官

小祝

喪祝

甸祝

甸之言田也詛

祝謂祝之

司巫

巫官

男巫

女巫

巫能制神之巫能制神之處位次主者

王志長曰王心

一動善惡纖微皆與造化流通而無間內而徵於夢寐有獻

贈之法外而動乎四體有養治之宜明而見於蓍龜以詔救

政幽而祈於鬼神以求福佑上而觀象於三辰以辨序事故

曰王前巫而後史卜筮瞽侑皆在左右王中心無爲也以守

至正此之謂與

大史

史官之長馮相氏馮乘也相視也世登高臺以視天文之次序

保章氏

保守也世守天文之變

內史外史御史

御猶侍也進也其史百有二十人以掌贊書人

多秦憊田曰目大史以下皆史官大史位下大夫卑於內史

而列職在其前者大史兼掌天事內史專掌人事古者以天

事爲重故也馮相保章大史之屬漢以內史治三輔而御史

大夫班亞丞相謂之副相與周禮名同而實異惟大史令卽

周大史之職凡邦國計書先上大史以其副下丞相與周禮

掌六典法則之意同

巾車

巾猶衣也巾車車官之長典路路王之車僕

司常

司常王旌旗

意曰先王所以明上下列貴賤辨等威異物

采者自衣服宮室而外莫過於車旗後世名分僭差亡等圖

上多自此始故巾車司常二官爲禮官重職

都宗人

都宗人王子

弟所封及公卿所食邑

家宗人如都宗人之數

家謂大夫所食采邑

凡以神士者

無數以其藝之貴賤爲之等

以神士者男巫之俊有學問才知者藝謂禮樂射御書數高者

爲上士次之爲中士又次之爲下士

易祓曰大宗伯以天神人鬼地示爲主小宗伯建國之神位肆師立國祀之禮而五禮從之祭祀始於裸而告時告備之禮行焉故鬱人先之鬯人次之鷄人次之尊彝几筵瑞玉命服之官又次之凶禮爲謹終之事冢墓職喪所以居五禮之末掌禮之職備矣自大司樂至司千二十職皆列於禮官之次蓋聖人制禮所以檢柅人心而歸之於中使之周旋鼓舞於聲容之間而至敬存焉是樂之爲用皆所以輔成乎禮者也自大卜而下皆卜筮之事大祝而下

皆巫祝之事大史而下皆紀策書之事始於宮庭達於天下其道甚大百物不廢復以神士者終焉非以吉禮爲五禮之本乎

政官之屬大司馬卿一人小司馬中大夫二人軍司馬下大夫四人與司馬上士八人行司馬中士十有六人旅下士三十有二人與眾也行謂軍行列皆作六軍而有此行取名於此黃度曰司馬置屬與五官稍異小司馬而下與司馬掌車行司馬掌徒軍司馬兼掌之司勳勳功也此官主功賞故曰掌六卿實地之法以等其功馬質質平也主買馬平其大小之賈值量人量猶度也謂以丈尺度地小子小子主祭祀之小事羊人司燿燿讀如子若燿火之觀今燕俗名湯熱爲觀則燿火謂熱火與高愈曰自司勳至司燿共六官各有司存而不相統攝然司勳以下三官夏官所重而司燿羊人協於

大夏南方之火故先列之

掌固

固國所依阻者也

司險掌

疆

疆界

候人

候候迎賓客之來者

環人

環猶卻也以勇力卻敵

挈壺氏

挈讀如絮之絮壺

盛水器也世主挈壺水以爲漏

高愈曰自掌固至環人共五官皆主封疆防

禦巡徼之事禦姦宄而察非常宜在先矣而挈壺氏縣壺戒

夜亦軍務所重故附焉

射人

射武事故在此服不氏

服不射鳥

氏

亦武事故在此

羅氏

能以羅網搏鳥者郊特牲曰大羅氏天子之掌鳥獸者

掌畜

畜謂飲而養之

高愈曰自服不氏至掌畜凡四官或養獸或養鳥或射羅鳥其

職相類而服不射鳥二官皆有職於射者故次於射人之下

王氏傳以爲天文南方爲朱鳥故掌畜屬之夏官

司土

其職

掌語爲祿與大司馬進賢與功故列職於此

諸子

主公卿大夫士之子者或曰庶子

司右

右謂有勇力之

士充王車右

高愈曰自司士至司右凡三職一掌羣臣之版一掌

國子之倅一掌羣右之政其職相類而各不相統 虎賁氏

不言徒曰虎士則虎士徒之選有勇力者旅賁氏節服氏世爲王節所衣服方相氏方相猶言

放想可畏高愈曰自旅賁至方相皆當爲虎賁之屬 大僕

小臣祭僕御僕僕侍御於尊者之隸僕此吏而曰隸以其事褻弁師弁

古冠之高愈曰大僕主王服位傳王大命小臣御僕祭僕皆

其屬大僕得自辟除其官則唐虞之納言漢之公車令唐之

門下省宋之直登聞鼓院明之通政使也屬之夏官者軍政

機密尤宜速達於王後世以大僕之官端與牧馬則名存實

亡矣隸僕亦大僕之屬案大僕掌正王服司甲甲今之鎧也司甲兵

戈盾官司兵司戈盾戈今時司弓矢司弓矢弓弩繕人繕之

也善橐人橐讀爲芻橐之橐箭幹謂之橐高愈曰甲兵弓矢

也此官主弓弩箭矢故謂之橐人

俱軍需重器故設司甲至橐人六官而其官之尊者或至於

下大夫其慎重如此與後世以武庫兵器賜弄臣者異矣

戎右右者參乘此充戎路之右田獵亦爲之右焉齊右充玉路金道右之右道右充象路大

馭馭之戎僕馭言僕者此齊僕古者王將朝觀會同必道僕

王朝朝莫夕主御王以田僕馭夫校人校之爲言校也主馬

與諸臣行先王之道馬官趣馬趣養馬巫馬巫馬知馬祖先牧馬步馬社之神者

之長趣馬趣養馬巫馬馬疾若有犯焉則知之是以使與醫

同牧師主牧放馬廋人廋之言圉師養馬則知圉人薛衡曰自戎

右至馭夫凡九職掌五路之車自校人至圉人凡七職掌五

路之馬職方氏主四方之職貢者職土方氏主四方邦

方氏懷來也主來四合方氏主合同四訓方氏主教道四形

方氏主制四方邦山師川師遷師遷地之圉人圉正也主正

擢人

主擇序王意以語天下

高愈曰職方氏以下六官皆以氏爲名若

世修其職者蓋以四方山川險阻與夫風俗土地所宜非久

於其任世修其職者不能習也職方掌天下之地圖最煩瑣

故分山林川澤原隰三者立三師分掌之則覩記各有所專

而不病煩擾矣自土方氏至擢人凡十官皆職方之屬都

司馬

都王子弟所封及三公采地也司馬主其軍職

家司馬各使其臣以正於公司

馬

卿大夫采地正猶聽也公司馬國司馬也卿大夫之采地王不特置司馬各自使其家臣爲司馬主其地之軍賦往

聽政於王之司馬王之司馬其以王命來有事則曰國司馬

陳及之曰自大司馬至行司馬自諸子至旅賁氏自司甲

至橐人自校人至圉師其他環人戎右戎僕都家司馬皆

與戎事也自掌固至掌疆則司疆界自服不氏至掌禽則

掌鳥獸自太僕至隸僕則左右侍御從自職方氏至擇人
掌輿地及四方諸侯外夷小子掌祭祀司燿掌行火候人
掌賓客挈壺氏掌司夜司士掌朝儀弁師掌冠弁與夫齊
右之屬射人之屬則係焉先王設官分職彼此聯事互相
關係於是可見

刑官之屬大司寇卿一人小司寇中大夫二人士師下大夫

四人鄉士上士八人中士十有六人旅下士卅有二人

士察

察獄訟之事者鄉士主察六鄉之獄

遂士

主六遂之獄者

縣士

距王城三百里至四百里曰縣縣士主縣之獄

者方士

主四方都訝士訝迎也

士官主迎四方賓客

朝士

主外朝之法

高愈曰

朝儀不肅則百度皆弛而犯法者眾謹法度肅朝儀刑官之
事也故鄉遂五士官以下以朝士先之司民

主民數

司刑薛

衡曰五刑皆戕民者也知愛其民則知謹其刑司民所以列

司刑之上司刺刺殺也三訊司約約言語司盟盟以約辭

職金高愈曰金屬西方主肅殺故隸秋官且其職

受士之金罰貨罰亦隸刑官司厲犯政爲惡賊之大人疏

金畜故連司圉圉謂關土也國土謂掌囚囚拘也主拘係掌

戮戮猶辱也既司隸隸徒治道溝渠之役者漢始置司隸亦使將

及近罪隸盜賊之家隸征南夷閩隸閩南蠻夷隸征東夷

貉隸征東北夷所獲凡隸眾矣此其方苞曰春秋傳人有十

等隸班在六非甚賤也盜賊之子亦使班於諸隸者非其身

之惡也不使列於齊民者恐其習爲匪僻也布憲憲表也

禁禁殺禁民不得禁暴氏野廬氏廬賓客行蜡氏蜡骨廬臭

者相殺戮相殺戮

也月令曰掩骼埋胾此官
雍氏雍謂隄防**萍氏**主水禁萍之

之職也錯讀如狙司之狙
司寤氏寤覺也主**司烜氏**烜火也讀如條**狼氏**除

取名於其
司寤氏寤覺也主**司烜氏**烜火也讀如條**狼氏**除

也狼狼
修閭氏閭謂**高愈**曰自布憲至修閭氏共十有一職

也狼狼
修閭氏閭謂**高愈**曰自布憲至修閭氏共十有一職

也狼狼
修閭氏閭謂**高愈**曰自布憲至修閭氏共十有一職

也狼狼
修閭氏閭謂**高愈**曰自布憲至修閭氏共十有一職

也狼狼
修閭氏閭謂**高愈**曰自布憲至修閭氏共十有一職

也狼狼
修閭氏閭謂**高愈**曰自布憲至修閭氏共十有一職

也狼狼
修閭氏閭謂**高愈**曰自布憲至修閭氏共十有一職

也狼狼
修閭氏閭謂**高愈**曰自布憲至修閭氏共十有一職

也狼狼
修閭氏閭謂**高愈**曰自布憲至修閭氏共十有一職

也狼狼
修閭氏閭謂**高愈**曰自布憲至修閭氏共十有一職

冥氏以下十二官則凡猛犴昆蟲與夫托於神姦而爲害者

並不能逃夫刑罰之威而況於姦慝暴亂之人乎 銜枚氏

銜枚止言語囂譁也枚狀如伊耆氏以息老物此主王者之

齒杖後王議伊耆之舊德而大行人小行人司儀行夫主國

以名官與今姓有伊耆氏禮之環人象胥通夷狄之意者曰象胥東方曰寄南方曰象

德先致掌客掌訝訝迎也賓客掌交主交通結諸侯之好掌祭掌貨賄

高僉曰自大行人至掌貨賄共十一官皆掌賓客之事而大

行人爲之長以下十官皆其屬 朝大夫此王之事也使主

之朝大都則主都家之八則者也當言每都士都家之士主

之獄訟以告薛衡曰王朝各設朝大夫以主其治都則以守

其法而後以都士家士明其刑然後綱維一挈於上

易祓曰司寇掌刑士師掌禁自鄉士以至司隸言其用刑
自布憲至銜枚氏言其用禁序言用刑而掌戮必在其後
序言用禁而禁殺戮必居其先是爲政尤惡於用殺也大
行人掌客之類疑於春官掌禮者朝士掌交之類疑於夏
官掌政者聖人不列於春夏二官必列於刑官之屬蓋止
其刑於禮文之始制其行於政治之後設官之意如此
冬官秦蕙田曰事官之屬已亡所可推而知者大司空卿一
人小司空中大夫二人匠師下大夫四人據大宰疏云匠上
師司空之考
士八人中士十六人旅下士三十二人爾

附錄諸儒冬官未亡說 俞廷椿復古編以天官之屬獸
人鼈人獸醫司裘染人追師履人掌皮典絲典枲改入冬

官以地官之屬鼓人舞師改入春官封人載師閭師縣師
均人遂人遂師遂大夫土均草人稻人土訓山虞林衡川
衡澤虞邠人角人羽人掌葛掌染草圉人場人改入冬官
以春官之屬天府世婦內宗外宗太史小史內史外史御
史改入天官典瑞典同巾車司常冢人墓大夫改入冬官
以夏官之屬弁師司弓矢橐人職方氏土方氏彤方氏山
師川師邕師改入冬官以秋官之屬大行人小行人司儀
行夫掌客掌訝掌交環人改入春官 邱蔡冬官補亡五
十四大司空小司空載師封人壘人均人土均草人稻人
山虞林衡川衡澤虞邠人角人羽人掌染草圉人場人牧
人牛人充人獸人鼈人鼈人雞人犬人獸醫司裘掌皮司

服典絲典臬染人弁師追師屨人典瑞典同巾車典路車
僕司常司弓矢橐人冢人墓大夫職方氏土方氏形方氏
山師川師邈師方孝孺曰取土地之事財賦之則在司
徒者五十有五在司馬司寇者十有三以爲司空土地不
無可治之道也故有載師閭師縣師均人治民無法不可
以治地也故有遂人遂師遂大夫縣正鄙師鄼長里宰鄰
長旅師稍人委人土均樹藝地之所宜先也故有草人焉
有稻人焉有司稼焉地圖方志王者所宜知也故有土訓
誦訓山林川澤地之寶也故有澤虞有川衡金玉錫石角
羽茶炭染草葛蜃山澤之所產也故各有主之者以致其
用苑囿場圃鳥獸草所萃也故有迹人圉人場人穀粟土

地所入守之宜有制也故有廩人倉人民者土地之本不可無恤也故有遺人以振其凶荒財用者生於地而取之有節故市有司廛有人肆有長賈有師泉有府質人胥師司門司關職方土方懷方合方形方山師川師邈師所以辨土而致稱異也故自司馬而歸焉達道路除不蠲有野廬氏蜡氏掌害稼者有雍氏掌水禁有萍氏除毒蠱猛鳥獸蠹物鼃鼃有冥氏庶氏穴氏翬氏哲簇氏翦氏赤友氏蜎氏壺涿氏庭氏攻禾殺草有柞氏薙氏亦皆司空之事也故自司寇歸焉六卿之屬絲是復其始 方苞曰司空之亡自漢以後無異議而晚宋元明諸儒乃分割五官以爲事典是之謂不知而作也夫五官之事皆基於事典故

洪範之述官政首司空而後及其餘而是經所謂辨方正位體國經野正司空之職也尙書周官所謂居四民時地利則體國經野之實用也卽是以求之則事典之本體昭昭然可見而羣儒之迷謬不足辨矣

論曰自化迹萬肇情僞滋萌世匪胥庭有資損益之道人違穀飲或開爭詐之風爰乃廣選賢能參陳貴賤位列凡百道統一尊堯曰疇咨首還重黎之族舜興側陋遂居百揆之長命暨於鳥獸草木分司乎水土百物自茲以降醕朴道散六卿乃召兵刑無兼主之名阿衡左相台揆有代岐之號酌文質而得中順時勢以制宜故蒼姬革統碩膚創度法四序之推易象二曜之晷繼鑒

轍曩代垂則萬禩宣父以郁郁興歎子輿謂大略可述
迹聖賢之所折衷抑亦判途而同會也嘗謂應俗適事
難準常條豐約不齊致化則一如使熙帝亮工預該三
百六十之員黜殷顯庸僅備元凱二八之數則上世病
於煩冗近古虞其龐亂是知舟楫無推陸之理琴瑟可
移柱而調今繁於古元黃迭遷張而不弛文武弗爲睹
咫尺者茫於千里惑丹采者輕其素質徒申一隅之說
類乖通方之訓也

官職

二曰官職以辨邦治

官職謂六官之職

小宰以官府之六職辨邦

治一曰治職以平邦國以均萬民以節財用二曰教職以安

邦國以寧萬民以懷賓客三曰禮職以和邦國以諧萬民以

事鬼神四曰政職以服邦國以正萬民以聚百物五曰刑職

以糾萬民以除盜賊六曰事職以富邦國以養萬民以生百

物懷亦安也賓客來共其委積所以安之聚百設官分職

鄭司農云置冢宰司徒宗伯司馬以爲民極極中也令天下

不失司空各有所職而百事舉以爲民極極中人也令天下

其所周官冢宰掌邦治統百官均四海天官卿稱太宰主

均平四司徒掌邦教敷五典擾兆民地官卿司徒主國教化

海之內宗伯掌邦禮治神人和上下春官卿宗廟官長主國禮

民之吉凶賓軍嘉五禮司馬掌邦政統六師平邦國夏官卿

以和上下尊卑等列司寇掌邦禁詰姦慝刑暴亂秋官卿主寇賊法

伐統正六軍司空掌邦土居四民時地利冬官卿主國空土以居民

分地六卿分職各率其屬以倡九牧阜成兆民

六卿各率其屬官大夫士

利治其所分之職以倡道九州大戴記古之御政以治天下

牧伯爲政大成兆民之性命

者冢宰之官以成道司徒之官以成德宗伯之官以成仁司馬之官以成聖司寇之官以成義司空之官以成禮故六官以爲轡司會均入以爲軌故御四馬執六轡御天地與人與事者亦有六政是故善御者正身同轡均馬力齊馬心惟其所引而之以取長道遠行可以之急疾可以御天地與人事此四者聖人之所乘也是故天子御者太史內史左右手也六官亦六轡也天子三公合以執六官均五政齊五法以御四者故亦惟其所引而之以之道則國治以之德則國安以之仁則國和以之聖則國平以之義則國成以之禮則國定

此御政之體也過失也人情莫不有過過而改之是不過也是故官屬不理分職不明法政不一百事失紀曰亂也亂則飭冢宰地宜不殖財物不蕃萬民飢寒教訓失道風俗淫僻百姓流亡人民散敗曰危也危則飭司徒父子不親長幼無序君臣上下相乖曰不和也不和則飭宗伯賢能失官爵功勞失賞祿爵祿失則士卒疾怨兵弱不用曰不平也不平則飭司馬刑罰不中暴亂姦邪不勝曰不成也不成則飭司空百度不審立事失理財物失量曰貧也貧則飭司空

右六官之職 蔡墨曰物有其官官修其方朝夕思之一

日失職則死及之

失職有罪

失官不食

不食祿

官宿其業

宿猶安也

物乃至

設水官修則龍至

若泯棄之物乃坻伏

泯滅也坻止也

鬱湮不育

鬱滯也湮塞也育生也

故有五行之官是謂五官實列受氏姓封爲

上公

疏物各有官謂如龍之輩蓋言鳳凰麒麟白虎元龜之屬每物各有其官主之

上古官制湮遠無徵其軼時見於左氏內外傳若鄒子

蔡墨觀射父之徒所言是已又呂氏春秋任數篇云大

撓作甲子黔如作虜首

擬作

容成作麻義和作占日尙

儀作占月后益作占歲胡曹作衣夷羿作弓祝融作市

儀狄作酒高元作室虞姁作舟伯益作井赤冀作日乘

雅作駕寒哀作御王冰作服牛史皇作圖巫彭作醫巫

咸作筮此二十官者聖人所以治天下也按諸官名他

書罕見獨賴此以存其槩

洪範三八政一曰食二曰貨三曰祀四曰司空五曰司徒六

曰司寇七曰賓八曰師

鄭元云此數者本諸其職先後之宜

之官若周禮司貨賄是也祝掌祭祀之官若宗伯司空掌居
民之官司司徒掌教民之官司司寇掌誅盜賊之官賓掌諸侯朝
覲之官司周禮大行人是也師掌軍旅之官

尚書大傳古者天

子必有四鄰前曰疑後曰丞左曰輔右曰弼天子有問無以

對責之疑可志而不志責之丞可正而不正責之輔可揚而

不揚責之弼其爵視卿其祿視次國之君也

明堂之位曰篤

而道慎天子疑則問應而不窮者謂之道道者導天子以道
者也當立於前是周公也誠立而敢斷輔善而相義者謂之
充充者充天子之志也常立於左是太公也繫廉而切直匡
過而諫邪者謂之弼弼者拂天子之過也常立於右是召公
也博聞強記接給而善對者謂之丞丞者承承者

大戴禮記天子

不論先王之德不知國君畜民之道不見禮義之正不察應

事之理不博古之典傳不閑於威儀之數詩書禮樂無經學

業不法凡此其屬太師之任也天子無恩於父母不惠於庶民無禮於大臣不中於刑獄無經於百官不哀於喪不敬於祭不信於諸侯不誠於戎事不誠於賞罰不厚於德不強於行賜與侈於近臣避愛於疏遠卑賤不能懲忿窒欲不從太師之言凡是其屬太傅之任也天子處位不端受業不敬言語不序聲音不中律進退節度無禮升降揖讓無容周旋俯仰視瞻無儀妄顧咳唾色不比順隱琴瑟凡此其屬太保之任也天子宴瞻其學左右之習反其師答遠方諸侯不知文雅之辭應羣臣左右不知已諾之正簡聞小誦不傳不習凡此其屬少師之任也天子居處出入不以禮冠帶衣服不以制御器在側不以度上下雜采不以章忿怒說喜不以義賦

與集讓不以節凡此其屬少傅之任也天子宴私安而易樂而湛飲酒而醉食肉而餒飽而強飢而憊暑而暍寒而漱寢而莫宥坐而莫侍行而莫先莫後天子自爲開門戶取玩好自執器皿亟顧環面御器之不舉不藏凡此其屬少保之任也號呼歌謠聲音不中律宴樂雅誦迭樂序不知日月之時節不知先王之諱與大國之忌不知風雨雷電之眚凡此其屬大史之任也 晉文公屬百官賦職任功

屬會也賦授也投職事任有功也

右百官之職 荀子序官宰爵知賓客祭祀饗食犧牲牢之數司徒知百宗城郭立器之數司馬知師旅甲兵乘白之數修憲命審詩商禁淫聲以時順修使夷俗邪音不敢

亂雅大師之事也修隄梁通溝澮行水潦安水藏以時決
塞歲雖凶敗水旱使民有所耘艾司空之事也相高下視
肥磽序五種省農功謹蓄藏以時順修使農夫樸力而寡
能治田之事也修火憲養山林藪澤草木魚鼈百索以時
禁發使國家足用而財物不屈虞師之事也順州里定廛
宅養六畜閒樹藝勸教化趨孝悌以時順修使百姓順命
安樂處鄉鄉師之事也論百工審時事辨功苦尙完利便
備用使雕琢文采不敢專造化於一家工師之事也相陰
陽占祲兆鑽龜卦主禳擇五卜知其吉凶妖祥偃坐跛擊
之事也修採清易道路謹盜賊平室律以時順修使實旅
安而貨財通治市之事也抃急禁悍防淫除邪戮之以五

刑使暴悍以變姦邪不作司寇之事也本政教正法則兼聽而時稽之度其功勞論其慶賞以時慎修使百吏免盡而眾庶不偷冢宰之事也

論曰人主所與共天下者大臣而已大臣失其職則事權分裂四出而小臣得以越職用事體統乖失名分顛倒爵祿輕濫於是上下無以相臨而人主靡所顧忌遂至有輕殺大臣之禍故大臣者不可一日失其職者也夫坐而論道細務勿親所以養其尊然而職事所屬苟有關於國家之理亂未嘗不兼攬而固持之大臣不自以爲嫌人主不敢疑其專治道之本其在乎此矣昔者成周盛時三公攝冢宰冢宰兼六卿於事無所不統而

內外之臣脈絡相通自出納之要職宿衛之親人供奉之近習至於玉府財用便嬖使令靡不舉而屬之冢宰焉蓋臨之以尊嚴之分則下兢兢於職業而不敢以惰游自恣輔之以啟沃之勤則上凜凜於公義而不敢以情欲自私綱紀名分嚴肅修整而凡左右侍御僕從無敢有蠱惑人主之心術而竊取大臣之權柄者夫是之謂體統之得正矣後世則不然奪大臣之權授之羣臣散天官之屬歸之百官出內廷之士大夫置之外廷大臣擁虛名於百官之上拱手無所事事而上不得臨下外不得制內人主燕居深宮左右側媚諛言日聞其勢不得不趨於非僻矣故自漢以來出納不傾於大臣而

宰夫爲中書尙書之任是以霍光之權重恭顯之事起焉宿衛不領於大臣而宮正宮伯爲光祿衛尉之任由是門下遂爲省加官遂爲司侍中遂爲宰夫焉供奉不領於大臣而膳夫掌次諸職改爲少府太常之任其弊也關內侯騎都尉之爵及於烹庖樂工之賤而太僕之司分爲殿中省爲內諸司使矣以至玉府財用非大臣所與聞則房闥啟制政之漸闡寺擅廢立之權人主且不自安而國事復何問焉嘗推論所由蓋始於陳平自棄其權而武帝遂舉權而授之羣臣有司何以言之錢穀之出入決獄之多寡國之本民之命也而陳平之對文帝以爲欲問刑獄責廷尉欲問錢穀責內史則是九

卿中二千石之事宰相不得聞惟是坐鎮以鳴高而已至武帝又以中大夫侍中視丞相爲外朝九卿更進用事事不決於丞相而內朝外廷之事宰相舉不得聞焉吏九百石以上調於尙書文墨小技一言合意立取榮寵而宰相大臣反被屈辱摧折是豈復有綱紀名分哉及丙吉相宣帝尙書決事諸將軍猶領之而中書宦者遂乘閒用事至於四曹之置宰相而下悉關其中而尙書中書始表裏爲姦矣後世英俊之主欲復古治務在行周官之法而重宰相之權庶幾百職就理而事可次第舉矣